

近代中國史料叢刊第六十五輯  
沈雲龍主編

御製圓明園圖詩

清高宗撰

文海出版社  
有限公司印行



龍鳳圖

光緒十三年七月天津石印書屋敬謹摹勒上石

W-2214/05

[www.docsriver.com](http://www.docsriver.com) 定制及广告服务 小飞鱼  
更多**广告合作及防失联联系方式**在电脑端打开链接  
<http://www.docsriver.com/shop.php?id=3665>



[www.docsriver.com](http://www.docsriver.com) 商家 本本书店  
内容不排斥 转载、转发、转卖 行为  
但请勿去除文件广告宣传页面

若发现去宣传页面转卖行为，后续广告将以上浮于页面形式添加

[www.docsriver.com](http://www.docsriver.com) 定制及广告服务 小飞鱼  
更多**广告合作及防失联联系方式**在电脑端打开链接  
<http://www.docsriver.com/shop.php?id=3665>



世宗憲皇帝御製圓明園記

圓明園在暢春園之北  
朕藩邸所居  
賜園也在昔

皇考聖祖仁皇帝聽政  
餘暇遊憩於丹陵泮之  
涘飲泉水而甘爰就明  
戚廢墅節縮其址築暢  
春園熙春盛暑時臨幸

馬朕以扈蹕拜  
賜一區林皋清淑陂淀  
滍泓因高就深傍山依  
水相度地宜構結亭榭  
取天然之趣省工役之

煩檻花堤樹不灌溉而  
滋榮巢鳥池魚樂飛潛  
而自集蓋以其地形爽  
塏土壤豐嘉百彙易以  
蕃昌宅居於茲安吉也



園既成仰荷  
慈恩錫以園額曰圓明  
朕嘗恭迓  
鑾輿欣承  
色笑慶天倫之樂申愛

日之誠花木林泉咸增  
榮寵及朕纘承大統夙  
夜孜孜齋居治事雖炎  
景鬱蒸不為避暑迎涼  
之計時踰三載僉謂大

禮告成百務具舉宜寧  
神受福少屏煩喧而風  
土清佳惟園居為勝始  
命所司酌量修葺亭臺  
邱壑悉仍舊觀惟建設

軒墀分列朝署俾侍直  
諸臣有視事之所構殿  
於園之南御以聽政晨  
曦初麗夏晷方長白對  
咨詢頻移晝漏與諸臣

相接見之時為多園之  
中或闢田廬或營蔬圃  
平原膺膺嘉穎穰穰偶  
一睥覽則遐思區夏普  
祝有秋至若憑欄觀稼

臨陌占雲望好雨之知  
時冀良苗之應候則農  
夫勤瘁穡事艱難其景  
象又恍然在苑囿間也  
若乃林光晴霽池影澄

清淨練不波遙峰入鏡  
朝暉夕月映碧涵虛道  
妙自生天懷頓朗秉機  
務之少暇研經史以陶  
情拈韻揮豪用資典學

凡茲起居之有節悉由  
聖範之昭垂隨地恪遵  
罔敢越軼其采椽楛柱  
素甍版扉不斷不斲不  
施丹雘則法



皇考之節儉也晝接臣  
僚宵披章奏校文於墀  
觀射於圃燕閒齋肅動  
作有恒則法  
皇考之勤勞也春秋佳

日景物芳鮮禽奏和聲  
花凝湛露偶召諸王大  
臣從容遊賞濟以舟楫  
餉以果蔬一體宣情抒  
寫暢洽仰觀俯察游泳

適宜萬象畢呈心神怡  
曠此則法

皇考之親賢禮下對時  
育物也至若嘉名之  
錫以圓明意旨深遠殊

未易窺嘗稽古籍之言  
體認圓明之德夫圓而  
入神君子之時中也明  
而普照達人之睿智也  
若舉斯義以銘戶牖以

勗身心虔體

天意永懷

聖誨含煦品彙長養元  
和不求自安而期萬方  
之寧謐不圖自逸而冀

百族之恬熙庶幾世躋  
春臺人遊樂國廓鴻基  
於孔固綏福履於方來  
以上答  
皇考垂祐之深恩而朕

之心至是或可以少慰  
也夫爰宣示予懷而為  
之記

仰惟

皇考為是記述

皇祖名園本義以自儆

而貽訓後人之意

尤深切著明予小

子紹衣

德言夙夜罔斁今刻園



中諸什敬錄

斯文弁之首簡庶一開

卷如親

提誨用志堂構之思云





圓明園後記

昔我

皇考因

皇祖之賜園修而葺之畧  
具朝署之規以乘時

行令布政親賢而軒  
墀亭榭凹山凹池之  
紛列於後者不尚其  
華尚其朴不稱其富  
稱其幽樂蕃植則有

灌木叢花怒生笑迎  
也驗農桑則有田廬  
蔬圃量雨較晴也松  
風水月入襟懷而妙  
道自生也細旃廣夏

時接儒臣研經史以  
泚情也或怡悅于斯  
或歌詠于斯或惕息  
于斯我

皇考之先憂後樂一

皇祖之先憂後樂周宇物

而

圓明也圓明之義蓋君子之時中也

皇祖以是名賜

# 皇考

皇考敬受之而身心以勗  
戶牖以銘也不求自  
安而期萬方之寧謐  
不圖自逸而與百族



之恬熙則又我

皇考綏履垂裕於無窮也

予小子敬奉

先帝宮室苑囿常恐貽羞  
敢有所增益是以踐